

TAKƏLAYA NJKA PA NMAAWA HEPƏLA NYƏMA TƏ Kvtvlvtv

Takəlaya kanə ka ηmaalv ta tv ι hətə sι tə nyəmi-ι. Ue ηmaalv ιnι ι ta ləη Yuta tv wei ί pəsa Yesu təηlv wei ι nyəmə nəγə suv kvpənaya taa təm tə. Yuta nyəma mpa pa pəsa Yesu təηlaa mpa pa təηna məlvγv kə pa ləη isəsele taa tə mpeγe ί ηmaa-kə. Ama takəlaya ηmaalv tasəγι-wəγe apalvtv sι pά təkι tənəη sι Yesu kəla isətəa tillaa na Apələham na Moisi na Aləη mpa pa kə pa ləη caanaa tə. Yesu kəla kətasi na nəəsi pəelbγv tətə. Mpi tə, Yesu kpəyela pə təna na ί la təm kvlv m kə tam təə.

Isəna pa faya Hepəla takəlaya tə:

Isə Pəyalv Yesu, titite 1-4

Yesu kətaya kə səsəəηka, titite 5:1-10:18

Taa tēm na kantəlvγv, titite 10:19-13:25

Isəna Isə hvla ι hvwεε tə

¹ Ləη Isə ka wε Isə kvγəγətv tv tēləsəlaa kιη kέ na ί γəγətəna tā caanaa caanaa kə təm payale taa na yaasinaa payale taa.

² Ama pə tala kayana kvγεεη kvteesəη ιnε ι taa tə ι mayamaya ι Pəyaya kιη kə ι wεε na ί γəγətəna-tv. Na ι Pəyaya ηkə ka nιη kə ι lapəna isətəa na atε, na ηkεγe ι ləsaa sι kά tι pə təna təpai.

³ Nkə ka kιη kə Isə teeli naakι na pə tee isu kəkə. Na ka kιη tətəγə pə hólóγι teitei kέ isəna Isə wεstv mayamaya wεε tə. I nəγə taa təm toma kə ι təkəna

isətaa na ate na pə səŋaa. I tɛma yəlaa isayatu kpi-
isuyu təkpatakpata ɪɛna í kpa na í caya Isə kawulaya
tu kəŋkəŋ taa.

Isə Pəyaya kəla isətaa tillaa təcayacaya

⁴ Isu Isə Pəyaya ŋke ka kəla isətaa tillaa təcayacaya
tə, m̀p̀ỳỳ Isə ha-keye hətɛ nte tə kəla isətaa tillaa
nyəna tə.

⁵ Pə taya pulu təə, Isə ta yəyətətə isətaa tillu nəyəlɔ
sɪ:

Nyayale ma Pəyaya,
saŋa ke ma pəsa nyá Caa.

I ta yəyətətə isətaa tillu nəyəlɔ ɪ təm tətə sɪ:

Maa la nyá Caa na nyaa pəsi ma Pəyaya.

⁶ Ama waatu wei Isə kəŋayana ɪ Pəyaya kancaalaya
nyəŋka ke antulinya taa tə ɪ təma sɪ:

Isə isətaa tillaa tənə ká sɛɛ-ɪ ké.

⁷ Mpi Isə yəyətə isətaa tillaa təə təyələ sɪ:

Isə kpaya isətaa tillaa na í lana-we na pá pəsi heelim.

I lapa na ɪ təmle nyəma náá pəsi kəkəsɪ nsi sɪ m̀ỳỳ
kemkem tə.

⁸ Ama pə tala ɪ Pəyaya ɪɛna í yəyətɪ təfoo sɪ:

Isə, aa, nyá kumte we tam ké.

Tampana taa ké n təkɪ nyá kawulaya.

⁹ N səla kɔpantu na í kisi isayatu təcayacaya.

Isə, pə təə ké nyá Isə ləsa-ŋ na nyá mpa.

I su-ŋ teeli təcayale taa sɪ

nyá laŋle í hɔlɔmɪ səsəm.

Təcayale nte tə taa ɪ su-ŋ mpɔ tə,

tə kəla nte tə taa ɪ su nyá taapalaa lɛlaa tə təcayacaya.

¹⁰ I yəyətə tətə sɪ:

Tacaa, nyá lapəna tətə tənaya kancaalaya.

Nyá mayamaya nya niŋ lapəna isətaa.

¹¹ Pə tənaya mpɔ pu saali yem.

Ama nyaa caya tam.

Pə tənaya mpu pu ceyeti isu
wontu kususuutu ceyetuyu tə.

¹² N ká kpili-wi isu pa kpiluyu kpai tə.

Paa layasi-wi isu yulə layasuyu
i təə wontu kususuutu tə.

Ama nyá, nyaa wee tam ké mpyó,
n kaa kpatəli.

¹³ Tuu tə Iso ta yəətəta i isətaa tillaa taa nəyolə si:

Caya ma kənkəŋ taa haləna má kəna nyá kolontunaa
na ń loosi nyá nəhəe ke pa təə.

¹⁴ Mpu tə, isətaa tillaa ná ké weyelə? Pa təna pa ké Iso
təmlə nyəma ké, na paa naa isəntəə. Mpeye Iso tiliyi
si pá ten mpa pə ké si pu ya pa nyəəŋ tə.

2

Nyuyu yaru səsəəm

¹ Pə təə ké tu təkɪ teu ke tampana təmnaa mpa pa
heela-tu tə na pəcə pə taa kəə na pə pona-tuyu təlete
taa ké yem.

² Isətaa tillaa kpaala təm nti tə tələ tə hika nyuyu
ké, haləna ye wei i pənta-ti yaa i kisa-ti pa tuyi puntu
ke saləka wei pə nəyəsənaa si pá tu-i təyə.

³ Təu, pa ta kisi saləka tuyu ke mpa pa kisa isətaa
tillaa nyəntu tə, kacəŋfana ta mpa tu la awusa ke
nyuyu yaru səsəəm pəne pə taka tə? Taca ka caaləna
nyuyu yaru pəne pə təm heeluyu ke i mayamaya.
Ilena mpa pəle pa nu-ti tə pəle pá teləsi taya pə
tampana.

⁴ Na Iso kusa pa təm nyuyu na i kəkələ nyəm na
səyəntu təma na piti təma təna lapu taa. I yelaa na i
Feesuyu Nanjtu lá na pulə lapu saa yəlaa isu i nəkaa
tə.

Wei i taa pə yakı yəlaa nyəəŋ tə

⁵ M'p'óg'ó pə wée, mpi tə pə taya isətaa tillaa nəəhée tée ké Isə məŋna antulinya wei i kəŋ na tə yəgətəyi i təm tə.

⁶ Ama nəgəlb yəgətə Isə Təm taa ké tiili si:

Hai Isə, yulb ké we na ń təsəyi i təm?

Yulb wəw mpv təkpeŋ tə i ké we na ń paasəgəna-i?

⁷ N yelaa si í səkı isətaa tillaa ke pəcə.

N tu-i teeli na ń kusi i nyuyv isu wulav.

⁸ N məŋna pə təna təpai ké i nəəhée tée.

Pa yəgətuyv mpv si Isə məŋna pə tənaya i nəəhée tée tə, pə nyuyv nté si i kpaɣa pə təna təpai ké na í tú yulb niŋ taa, pə ta kaasi pulv cəcəka. Paa na mpv tə naa kaɣana si pə təna pə ta məli yulb nəəhée tée.

⁹ Ama mpi tə naa təgələ si pə lapa Yesu na í səkı isətaa tillaa ke pəcə si í si yəlaa təna səm ke Isə pəlele təw. Wahala wei i təgaa na í caŋ í si tə i təw, nəəŋəw tə naa pa tu-i teeli na pá kusi i nyuyv isu wulav.

¹⁰ Kupam pu mōna mpv si Isə wei i lapa pə təna na i təw ké paa mpi pə wée tə í la na Yesu te təkpaataa ké i konyəntəgələnaa taa, na pəc'ó í pona pəyalaa payale ke i teeli taa. Pə taya pulv təw, Yesu yekina na pə yakı pa nyəəŋ.

¹¹ Yesu kpiisiyina yəlaa isayatu. Pa təna mpa pa isayatu kpiisa mpv tə, í na-wə pa kpenta Caa kulvm ké. Pə təw ké pə fəi Yesu ké fəele si í yaa-wə si i newaa

¹² ke waatu wei i təŋ si:

Hai Isə, maa heeli ma newaa ke nyá təm.

Maa yoo yontu na má tala-ŋ samaa təna taa.

¹³ I tōma tətə si:

Maa tu Isə ké naani.

I tasa yəgətaya tətə si:

Má na piya mpa Isə ha-m təgələ.

14 İsu mpa ı yaa mpv sı piya tə pa ké tənuyv na caləm kvlbməm tə, Yesu mayamaya pəsa teitei isu mpe, na í na-we pá krentı kvlbm. ı lapa rıprıyú sı í yəki ılyəv wei ı kin səm ton wee tə ı ílé ı toma í yəki təkpataa təó ké ını ı lapa mpv na í sı ılena

15 í waası mpa səm səyəntv təó pa pəsa isu yomaa ke pa weesinj təna taa tə.

16 Mpi tə pə taya ıətəa tillaa ke ı waasəyi. Ama Apələham piya ke ı waasəyi isu pa ηmaav İso Təm taa tə.

17 Pə təó ké pə wee sı í nəyəsəna ı newaa təkpataa, na í pəsi pa kətvlb səso kupaη wei ı hvləyi yəlaa ke suulu ke səsom ke ı təmlə taa ké İso ısentaa tə, pécó pə husı samaa ıayətv.

18 Na isu pə mayasuyv ını na í ná konyəη tə, pənente ı pəsəyi na í waası mpa pa we mayasuyv taa tə.

3

Yesu kəlvv ke Moisi

1 Ma taapalaa İso səelaa me mpa İso yaawa tə, í paasəna Yesu wei İso tilaa na í ké ta İso səev mpi pə təm tə hvləyi ıəntə tə pə kətvlb səso na í ná.

2 İso ka ləsəna-ı sı í la təmlə tənə, na í nuna İso ké teu isu Moisi ka nuna İso na í la ı təmlə ke İso təyaya təna taa tə.

3 Kutuluyv ηmalv wenna sam na pə kəli kutuluyv mayamaya. Mpv tətəyə Yesu mōna sam na pə kəli Moisi təcayacaya.

4 N kaa na kutuluyv ke yem na kv feına kv ηmalv, na İso ílé ı kəna wei ı lapa pə təna tə.

5 Ye Moisi ıle, ílé ı nuna İso ké teu ke İso təyaya təna taa. İnəyi pa tv təmlə sı ye İso í yəyətə nti ıle ını ı heeli.

6 Ama Kilisiti wei ílé ı k  Pəyalu maɣamaɣa na pa su-ı İso t yaya s s  t  ílé ı nuna İso k  teu t t . Ye t  t ka t  t eluyu na naani na p  t  ciyiti-tu ile t  k  ı t yaya ny ma nt .

H esuyv  ku pa ha İso y laa t  kv t m

7 P  t  k  Feesuyu Nanhtu maɣamaɣa ka y ɣta mpv si:

Ye í nu İso n ɣ ke saɲa,

8 í taa tasa  krant el y lapv,

ısu í ka lapv waatv wei í k ees na

İso k  kvyan ku í maɣasa-ı si í naa

ı waalı k  wulaya tetv taa t .

İso y ɣtaa si:

9 M  caanaa caanaa maɣasa-m t na,

na p  l  si pa naa ma waalı.

P yele pa n  p  t na mpi mpi ma lapa pusı nule taa t .

10 P  t  k  y laa pane pa t m kra-m p  n  na m  t  si:

Tam m p y  pa liyitiyi pa h w e taa.

Pa ta tu cek na ma yaasi k  paa p c .

11 P  n  kra-m mpv ılena m  tuu si:

Pa kaa svv ma h esuyv tete ke paa p c .

12 Ma taapalaa í la laakalı na m  taa n ɣlv í taa k  na í l  ısayatv ke ı lotu taa na í la lan pus y na í ha weesuyu İso k  sıyile.

13 Ama í tas yi t maɣa apalvtv ke paa ifemle nte, hal na mpi pa yaa sı saɲa ke İso T m taa t  p  su t naya. N ɣlv í taa yele na ısayatv puyusi-ı na í l  lan pus y.

14 P  w  mpv sı ye t  t ka ta kancaalaaya naani wei tu w na t ɣv teu hal na p  t naya, t  na Kilisiti tu p sı taapalle.

15 Nti pa ηmaa Iso Təm taa təγəle si:

Ye í nu Iso nəγə ke saηa,

í taa tasa ηkpaηteeləη lapu,

isu í ka lapu waatu wei í kpeesəna Iso tə.

16 Mpa pa taa nuna Iso nəγə na pá kólí na pá kpeesəna-i? Mpa pa təna Moisi ləsa Icipiti taa təγə mεε.

17 Na mpa pa təm kpaηa Iso ké pááná ke pusi nule taa? Mpa pa lapa isayatu na pá sí wəlaya tetu taa təγə.

18 Mpaγa Iso ka tuunaa si pa kaa suu i heesuγu tete ke paa pəcə? Mpa paa kpeesəna-i təγə.

19 Tə nawa mpυ si pa ta te Iso na pa taa təγə pa ta suu.

4

1 Iso tema-tuγu heeluyu təkpaataa si tə pəsəyi na tə suu timpí tá na-i tu caya na tə heesi tə. Mpυ tə tə la laakali na pə taa kəə na mə taa nəγəlu í wuna heesuγu ηku ku taa ké suu.

2 Pə taγa pulu tə, tə nu Laapaali Kupaη inəyi teitei ké isu wəlaya tetu taa nyəma mpe. Pa nu təm nti tə tə ta waasi-weyε pulu. Mpi tə, pa nuw-ti tə pa ta mu-ti na pá té Iso na pa taa.

3 Ta mpa tə temna Iso ké tá taa tə tu suu heesuγu ηku ku taa. Heesuγu ηku ku təm ke Iso yəγətaa si:

Pááná kpa-m na má tuu si,

pa kaa suu ma heesuγu tete ke paa pəcə.

Í yəγəta mpυ, pəyele i təmle tema tēm ke hatuu waatu wei i lapa antulinya tə.

4 Pa yəγəta kuyaku naatosompəγəlaya nyəηku təm ke Iso Təm taa ké tiili si: Iso yela i təmle təna na í heesi kuyaku naatosompəγəlaya nyəηku wule.

5 Na pá tasa tiiliyi yəγətuγu si: Pa kaa suu ma heesuγu tete ke paa pəcə.

⁶ Mpa pa caala Laapaali Kəpaŋ inəyi nuw tə pa ta suw heesuyv ŋku ku taa, mpi tə pa ta tē Isə na pa taa. Pə na pə mpv tə pə we pəsvyv si lelaa í suw.

⁷ Pə təw ké Isə tasa kuyaku kufalvyv ke suw na í yaa-ku si Saŋa. Tə mayamaya tə təm ke pusi kəma na sí siki səsəm ilena Isə yele na Tafiiti yəyətí təm nti tə tēma nuw tə si:

Ye í nu Isə nəyə ke saŋa,
í taa tasa ŋkpaŋtəeləŋ lapv.

⁸ Ye Yosuwee ka svsə yəlaa mpeye heesuyv ŋku ku taa, Isə taa tasa kuyaku lenkv təm ke yəyətvyv.

⁹ Ama heesuyv nakvli ku wεε na pa hula-kyv Isə yəlaa, na ku nəyəsəna Isə kuyaku naatosompəyələya wule nyəŋku.

¹⁰ Pə wεε ké si ye wei í suw Isə heesuyv tete nté tə taa pəntv ká yele í tēma na í heesi isu Isə mayamaya yepu ilé í nyəna na í heesi tə.

¹¹ Pə təw ké tu la kookali na tə suw heesuyv ŋku ku taa. Tə taa yele na tá taa nəyəlv kəw na í la kpeesvlv isu lelaa lapv wəlaya tətə taa tə na í laŋ heesuyv ŋku ku taa suvv.

¹² Isə Təm wəna toma na tə lakí təmlε. Tə kəla layatε nte tə setəyi taa na waali təyə ləŋ. Isə Təm nti tə svvki na halí tə takí timpi ləsayə na ləmayasəle pə nyəm suliyi tə. Tə fakí atama na mvyule taa pəeləm, na tə fayasəyi nti yvlv nyuləyi na nti í hvvki í lotu taa tə.

¹³ Kvŋmanŋmam napəli pə fεi mpi Isə u naaki tə. Isə ilé í naa pə tənaya təyai, pulv ta ŋmeli-í. Í kiŋ ke tá tənə tu polo na tə kεesi ta kvlapvto tənə.

Yesu ké kətəlaa səsaa səsə

¹⁴ Ye mpv tə takí tá Isə sεεv ŋku ku təm tə hvləyi isəntə təyə teu. Mpi tə, tə wəna kətəlaa səsaa taa səsə

wei ı təma na í tala İso cəlo mayamaya tə, inəyəle İso Pəyalə Yesu.

¹⁵ Ta kətəlv səsə inı ı ké wei ı pəsəyi na í cəkəna ta ıcantv tete tə. Pə mayasa ı mayamaya ke pə təna pə taa İsu ta, ı ta la İsayatv ke paa pəcə.

¹⁶ Ye mpv tə kprətəna İso pəlele kumte na naani, tu hiki suulu na pəlele na pə waasi-təyv waatv wei pə nəyəsənəa tə.

5

¹ Pə ləsvəv yəlaa hekv ke kətəlv səsə na pə su tə, pə su-ı rıpıyó sı í la İso təmlə na pə waasi samaa. ı pukina kvhaham na í laki kətaya ke yəlaa İsayatv tə.

² Kətəlv səsə ná takaa na í ná İsəna ıcantv wəe tə, ıle ı pəsəyi na í hólı suulu ke pəcəyó İse kvkprəete nyəma na mpa pa pəntəyi kvpəntv tə.

³ Na İsu kətəlv səsə mayamaya wəna ıcantv tə ı laki kətasi ke ı mayamaya ı təə na samaa təə tətə.

⁴ Pə feı sı nəyəlv ká tv ı təyi teeli na í səsı ı təyi kətəlv səsəntv taa. İso kraana kətəlv səsə, na mpv inı pə mayamaya ke pə lapa Aləh kın.

⁵ Mpv inəyi na Kilisiti, ı ta tv ı təyi teeli na í kra ı təyi kətəlv səsə. Ama İso mayamaya təmna-ı təkelekele sı:

Nyayale ma Pəyaya, saŋa ke ma pəsa nyá Caa.

⁶ ı təma tiili tətəyó İso Təm taa sı:

N ka pəsı kətəlv ke tam təə İsu Mələciseteki.

⁷ Saa wei Yesu ka wə ate cəne tə ı sələmaya İso wei ı pəsəyi na í ləsi-ı səm taa təyó, na í wiikina-ı na kapusi səsənsı na İsəlvəm. İlena İso mv ı sələmvəv ke ı seekaya İso tə pə təə.

⁸ Paa na ı ka ké İso Pəyaya tə, kvnyəntəyəlenəa taa ké ı nyəmə nuna v təm.

⁹ Pa kəma na pá tɛmɪ-ɪ lapu na í te təkpataa, ɪlɛna í pəsɪ wei ɪ kin mpa pa təna pa nukəna-ɪ tə pə yakəna pa nyəwə ke tam təw tə.

¹⁰ ɪlɛna ɪsə tə sɪ ɪnɪ ɪ kɛna kətɔlv səsə ɪsu Mɛləcisetɛɛki.

ɪsə sɛɛlaa mpa pa tayanəyi kpisuyu tə pa təm

¹¹ Tə wɛna kuyəwətɔtv ke səsəm ke təm tənɛ tə təw, na pə wɛ kate sɪ tə kilisi-mɛyɛ pə təna təcɛɛɛi ké u cəkəwəna ləŋ tə pə təw.

¹² Hatuu tə pə nəyəsəna ɪsu ɪsəntə mə sɛyɛsəwəna lɛlaa, ɪlɛna mu məli na í pəsɪ ɪsu mpa paa hólí ɪsə Təm ɪsu kpɛləmɛlaa tə. Pə tala mə mutv təwəw, ɪlɛna í məli na í nyəwəki kafa ke tam.

¹³ Wei ɪ paasəwəna kafa nyəwəw tə ɪ ké ahuləm ké. ɪ ta nyɪ sɪ pənɛ pə tewa, aai pənɛ pə ta te.

¹⁴ Ama səsaa mpa tam lapu təw pa nyəmə tampam na ɪsayam pə fayaw tə mutv ke pɛɛ pa təkɪ.

6

¹ Pə təw tə tə lu Kilisiti təm nti pa caaləwəna sɛyɛsuyv tə tə taa na tə sɔv mpa pa pu pə taa tə pa nyəntv taa. Tə taa tayanɪ kite tɛɛ nyəntv taa ké məlvəw, ɪsu kpai tɛma yeluyv na taa tɛmnaw ke ɪsə,

² na lvm səwnaa na niŋ tənuyv pə təmnaa, na sətəa fɛsuyv na tam huvɛ pə təmnaa.

³ Tə pukina pə ɪsəntaa ké tam. Mpu pə mayamaya ke tu la ye ɪsə í tisaa.

⁴ Na mpa pɛɛ pa tayanəyi ɪsayatv taa ké hotuyv tə pɛɛ pa təm ká tɛna wɛyɛɛ ɪɛ? Təw, ɪsə tɛma pa ɪsɛ kuluyv na pá təŋ ɪsətəa kucəwəw lɛlɛŋ na pá hiki pa paa nyəm ke ɪsə fɛsuyv Nanŋtə kin.

⁵ Pəɛ pə waalı pa nawa sɪ ɪsə Təm wɛ teu na pa cəkəna ɪsəna antulinya wei ɪ kəŋ tə ɪ toma wɛɛ tə.

⁶ Pə tənaya mpv pə waalı ké pa luwa na pá tayanı ısayatv taa ké hotuyv. Yəlaa ısu mpv pə taka pə fei pəsuyv sı pá hólí-wé sı pá tayanı tənte kvfate ké layasuyv. Pə taya pulv tə, ıso Pəyaya ké pa lələyi kam ké səm tesika tə na pá tıyi-kəye fəele ké samaa taa.

⁷ Ye pa hala haləm na tēv nukı pə taa ké tam na pə ta laη nikaya, na kvətəyv la pə taa ké teu na pə waası hallaa, ıle haləm mpi ıso koola-wəyi kvpantv ké.

⁸ Ama ye səwa ké yem na kvai nyutv tike lakəna pə taa, haləm mpi pə pəsa yem kéle, na ıso naa kvalı-wı na pá tēsəna-wəyi kəkə səv.

⁹ Ma taapalaa mə, paa tə yəətəyi mpv tə tə tēma tá taa təkpataa sı í tá tooli, ı wé waasuyv mpaav taa ké.

¹⁰ ıso tá ké wei ı təηəyi tampana tə, na ı kaa sə mə tēma tə. Pəyele ı kaa sə ıəna í paasaa na í səlı-ı na í waası mə ıso səelaa ləlaa, na í tu təηna-wəye waasuyv tə.

¹¹ Ta luuη wé sı paa mə taa wei í tasa ıəle səesuyv ké mpv haləna pə tənaya, pəcə pə lá teitei ısu í tēlvuyv tə.

¹² Tá luuη fei sı í loosi nəəhē. Ama tə caa ké sı í təη mpa pa tēη ıso na pa taa na pá wəna suulu na paa hiki mpi ıso ka tēma sı ı ká ha tə pa akpaa.

ıso tēma sı ı lakı mpi tə ı lakı-wəyi

¹³ Waatv wei ıso heelaya Apələham sı ı ká lapı-ı pəne na pəne tə, na tuunav ké. Na ısu nəəlv fei wei ı kəla-ı na í ká tuuna ıle tə ılena í tuuna ı tı,

¹⁴ na í tə sı: Ma heeliyi-η təkpataa sı maa la-η kvpantv, na maa la na ń hiki piya ké səsəm.

¹⁵ Mpyó Apələham cayana suulu, haləna í kəə na í hiki mpi ıso ka tēma sı ı ká lapı-ı mpv tə.

16 Ye yəlaa í caa tuunav, wei ı kəla-wε tə ı həte ke pa yaaki na pá tuuna. Tuunav ké pulv mpi pə loliyi yəlaa ke waatu wei pa laki ntəŋkpeesaya təyo.

17 Iso ílé ı caakaya ké si mpa ı təma si ı ká la kúpantvnaa mpe tə, pá nyi təkəlekele si í yəyətə nti, ı yəyətəa ké tə kaa layasi. Pə təo ké ı yəyətəa na ı tuu.

18 Təm naale ine ı fei layasuyv, na pə fei pəsuyv si Iso í looli-ti. Pə təo mayamaya ke pə səsa ta mpa tə hika təhmelle ke ı kin təyo apalv, si tə təki tseluyv ŋku ku təm pa keesa-tv təyo teu təkəŋkəŋ.

19 Tseluyv ŋku ku wεε ké isu ta ləsasi kankanuyv kvtəlvuyv ŋku tə wena naani na ku kiiwa tə. Tə nyəmə si ta mayamaya tə pəsəyi na tə svv na tə polo na tə lu isətəa Iso təsele taa puyv kukakayav waali haləna tə tala pə taa nan taa.

20 Tənya Yesu tεε-tuyv nəyo, na í pəsi kətulv səso isu Meləciseteeki ke tam təo.

7

Kətulv na wulav Meləciseteeki

1 Meləciseteeki inı ı ka ké Salem wulav, na ı ké isətəa Iso Səso kətulv. Meləciseteeki inı ı səhna Apələham ke waatu wei ílé ı tema awulaa ke kəlvuyv ke yoo taa na í mələyi kpente tə, na í kooli-ı kúpantv.

2 Tənya Apələham tala pə tənə mpi ı ka wena təyo təm naanvwa na í kpaya həyəlvuyv kulvmyv na í ha-ı. Meləciseteeki həte nyuyv nté si tampana tv. Pəle pə waali ı ké Salem wulav, na pəle pə nyuyv nté si həesuyv tv.

3 Nəyolv ta nyi Meləciseteeki caa, pa ta nyi ı too. Nəyolv ta nyi si akele lələna na pə luli na pə tala-ı. Pa ta yəyətə ı ləlvuyv təm ke tiili, yaa ı səm təm. ı nəyəsəna Iso Pəyaya, na ı ké kətulv ke tam təo ké.

⁴ I paasi na í ná apalv iní i səsəntu yee. Halí ta caanaa caanaa caa səsə Apələham ná faya pə təna mpi i hika yooü taa təyə təm naanüwa na í kpaaya həyöləyü külmüyü na í ha-i.

⁵ Lefii nyóma mpa pa ké kətəlaa tə küsəsutu ha-weyə mpaá ké si pá pəsəyü Iseyeli nyóma si pá celəyü-weyə pa kühikim təna həyöləyü naanüwa taa külmüyü. Pəyele paa ké yəlaa külmāa ké, na pa təna pa ké Apələham piya.

⁶ Meləciseteeki na taa ké Lefii tv, paa na mpv i mv mpi Apələham wena tə pə həyöləyü naanüwa taa külmüyü. Pəle pə paasi i koola koolee küpana ke wei i hika küpantv nti Išo tōma si i ká la tə.

⁷ Na isəna pə wee tə, səsə kooliyina səkpelu ke küpantv.

⁸ Ama kətəlaa kin ilə, mpa pa müyü mpi yəlaa wena tə pə həyöləyü naanüwa taa külmüyü tə, pa ké yəlaa mpa saŋa pa wee cele pa fei təyə. Ama ye Meləciseteeki kin ilə wei i we tam isü pa ŋmaav Išo Təm taa tə ílé i müna həyöləyü naanüwa taa külmüyü ŋkü.

⁹ Ye pə lapa mpv tə pəsəyü na tə tə si waatv wei Apələham faya i wenav taa ké təm naanüwa na í ha mpv tə, Lefii mayamaya nyá felaa ké. Pəyele Lefii nyóma mpeye pa tayanəyü fayav naanüwa iní i wontu celəyü.

¹⁰ Pə taya pulv təə, waatv iní paa pa ta lüləta Lefii tə i ka we i cəsə Apələham taa ké saa wei Meləciseteeki səŋaya-i təyə.

¹¹ Lefii nyóma kətəyü luna küsəsutu nti pa tv Iseyeli nyóma si pá təy tə tə kin. Pə na pə mpv tə Lefii nyóma kətəlaa mpe pa ta la təmlə nte tə tewa

təkpataa tə. Təfə pə taa yele Aləη looηa taa na pə tasa kətulv kufalv suv isu Meləciseteeki.

¹² Mpi tə, pə wee ké si ye kətəlaa í layasaa, kusəsutv náá layasí tətə.

¹³ Təv, Tacaa wei í təm pa yəγətəγi isəntə tə í ké kpekəle lentə tv ké. Na pa kpekəle taa tv nəγəlv taa lata kətulv səsə təmlə ke kətaya təlate taa.

¹⁴ Tə nyəmə teu təkpataa si í ké Yuta kpekəle tv. Moisi yəγətaya kətəlaa təm tə í ta yaa kpekəle nté tə həte.

Kətulv wei í nəγəsəna Meləciseteeki tə

¹⁵ Mpi pə teesəγi-tvγv pə tampana kilisuyv təγəle si: Kətulv nəγəlv ná luwa na í nəγəsəna Meləciseteeki.

¹⁶ Pə taya yəlaa kukesətv ke pə təηaa na pə kpa-í kətulv. Ama weesuyv ηku kv fei wakəlvγv tə kv ton taa ké pə kpana-í kətulv.

¹⁷ Pa ηmaa ηpύγύ Iśə Təm taa si:

N ka pəsí kətulv ke tam təə isu Meləciseteeki.

¹⁸ Nti pa su ləη na pá təηəγi-ti tə təle tə taa feina toma, na tu waasəγi pulv, ilena pá kó təle.

¹⁹ Moisi kusəsutv ná taa la nəγəlv na í té təkpataa, tə ná mpv. Ama pə kəna-tvγv teelvγv kufalvγv kvrappanηkv ηku kv yeki na tə kprətəna Iśə tə.

²⁰ Mpi pə təə nəənnə nyəη inε í kəlaa tə, pa kpa-í kətulv na Iśə tuunav ké. Ama pa kpa ləlaa ke kətəlaa ke yem ké.

²¹ Pa kpa Yesu ké kətulv na tuunav, halí Iśə yəγəti təfoo si:

Tacaa yəγətaa na í tuu si,

n ká pəsí kətulv səsə ke tam təə.

I kaa tuli tapəη ke nti í yəγəta mpv tə tə taa.

22 Pə təə maɣamaɣa ke Yesu ná kəna-tuyv nəɣə pɛɛluyv kɔpampam mpi paa pu kra na pə tii pə kaa saali tə.

23 Pə kaasa lentɪ tətə sɪ kətəlaa kraɪ nyəma mpe paa we paɣale, pə taya pulv təə, ləlaa səkaya ké na ləlaa lɛtəɣɪ pa lɔna taa.

24 Ama Yesu ílé ɪ wɛna ɪ weesuyv ke tam na í təkɪ ɪ kətulvɪ ke tam, na nəɣəlv kaa lɛtɪ ɪ lonte.

25 Pə təə ké paa pəlee ɪ pəsəɣɪ na í waasi pa təna mpa pa krətəɣəna Iso ké ɪnɪ ɪ təə tə. Pə taya pulv təə, ɪ wɛna weesuyv ke tam ké, na í sələməɣəna-wɛɣe Iso.

26 Yesu ké pə tu mɔna mpv sɪ pá kra-tuyv kətulv səsə. Pə taya pulv təə, ɪ we tənəŋŋ, ɪ feina taali nəɣəlv. Pəcə ɪsayatv feɪ ɪ kin tə se. Pa faɣa í na asayaa na hali pá kraasi-ɪ na í tɛɛ ɪsətənyv təə.

27 Pə feɪ sɪ ɪ ká lakɪ kətasi ke tam ké ɪnɪ ɪ maɣamaɣa ɪ ɪsayatv təə, na pə kaasi na í lá samaa ɪsayatv təə, ɪsɪ kətəlaa səsaa ləlaa lakuyv tə. Ama waatv wei ɪ ha ɪ tɪ na í sɪ tə pə we ɪsɪ ɪ lapa kətaya ke təm kulvm ke kraakraa ke tam təə ké.

28 Mpa Moisi kusəsutv kraaki kətəlaa tə pa teu ta tɔli. Ama Iso ná kəma na í nyəsɪ kusəsutv nəɣə taa, na í yəɣətəna tuunav na ɪ Pəyaya pəsɪ kətulv səsə, na ɪ teu tɔla kraakraa ke tam təə.

8

Yesu kele ta kətulv səsə

1 Təm nti tə təŋna yəɣətaya ke mpv tə tə kite nté sɪ, tə wɛna kətulv səsə ke mpv wei ɪ kraawa na í caya Iso kawulaya tɔ kumte kəŋkəŋ taa ké ɪsətəa tə.

2 ɪ lakɪ kətulv səsə kulapəle ke kətaya təlɛte cokəle nte yulv ta siki, ama Taca maɣamaɣa sikina-tɛ tə tə taa.

³ Pa kpaá kátulv səsə tə si í pona Iso ké kvhaham na í la kətasi ké. Pə təw ké pə wee si tá kátulv səsə í weena mpi ι ká polo na í lapι-ι kətaya tə.

⁴ Ye atε cəneye Yesu ka wee ι taa tu lapv kátulv. Mpi tə kətəlaa ka wee na pá təηna Iso ké kvhaham ponav isu pa keesa kvsəsutu taa tə.

⁵ Mpi mpi kətəlaa mpe pa laki mpv tə, pa keesəna mpi pə we isətəa təγə na pá laki. Ile pə nəγəsəle ké pə taya pə mayamaya. Pə lapa kvlvm na nti tu tem Moisi kin ke lapv tə. Saa wei ι lapa səəlv si ι sikiyi cokəle tə Iso heela-ι si í siki-teye teitei isu paa keesa-ι puyv təw tə, í taa coti.

⁶ Ama təmle nte pa tə Yesu tə tə kəla mpe pa nyəna təcayacaya. Pə taya pulv təw, unι ι teləsəna-tuyv nəγə pεelvyv kvpampam mpi pə luna kvpantv kvkələtv nti Iso ka təma si ι ká la tə tə kin tə.

⁷ Ye kancaalaya nəγə pεelvyv ka tewa təkpataa pa taa tasa nəγə kvfalaya ke pεelvyv tətəγə kvpənaya lonte.

⁸ Ama Iso yəlaa lapa taalι na Iso kaləγəna-we si: Pə kəma na pə kəw maa yele na má na lseyeli nyéma t́ tasa nəəsι kvfasι pεelvyv, na pə kvəna Yuta kvpekəle nyéma tətə. Tacaá má ma yəγətəna mpv.

⁹ Nəγə ηka ma na-we tu pεeli tə ka kaa wee isu má na pa caanaa caanaa tu pεelvyv ηkaya waatv wei ma həma-we na má ləsi Icipiti taa tə. Pa ta təkι nəγə ηka má na-we tu pεela mpv tə. Mpv pə lapəna na máá lə pa təm ke luyv. Tacaá má ma yəγətəna mpv.

¹⁰ Nη, Tacaá má ma yəγətə mpv si: Nəγə ηka kvyeη unι ι waalι maa yele na má na lseyeli nyéma t́ pεeli təγəle si:

Maa kpaɣa ma kusəsutv na má tv hatuu pa ləmayasεε
taa.

Maa ηmaa-təɣi pa lotu taa.

Maa pəsi pa Isə na mpe paa pəsi ma yəlaa.

¹¹ Saa inɪ nəɣəlv kaa nəki ɪ təɣəntəle ke seɣesvɣv.

Nəɣəlv kaa tə ɪ taapəlv si:

Nyi Taa.

Pə taɣa pulv tə,

pa tənə paa nyi-m.

Pə kpaɣav pəyaya na pə polo səsə tə.

¹² Maa huɪ pa kʋpəntəɣ.

Ma kaa təsɪ pa ɪsayaɣv tə ké paa pəcə.

¹³ ɪle timpi Isə yəɣətəɣi nəɣə kʋfalaya pɛlvɣv təm tə
pə wεε si kancalaya nyəɣka pənəa ké. Na pulv ɪ
pənəa na pə seɣetəɣi, pə caa tɛm ké.

9

Ate cəne Isə seev na ɪsətaə Isə seev

¹ Kancalaya nəɣə ηka paa pɛlaa tə kele kaa wɛna
nti pa suwa na pa təɣəɣi na pá seeki Isə təɣə, na tə Isə
təsεεle ka wε ate cəne.

² Paa sika cokəle ké, na nté tə kenə pə tə pə tə
nyəntɛ, na pa yaa-tɛ si katɛ taa. Na tənaya pa sukaya
fətəla na taapəli na potopotonaa mpa pa ha Isə tə.

³ Puvɣv kukakayav naale nyəɣkv waali kenə cokəle
nte pa yaa si katɛ taa katɛ tə.

⁴ Na tənaya wɪla cofolo ka wεε na pá wəki
tuləalvnaa ke ɪ taa, na Isə nəɣə pɛlvɣv atakaa na pá
waasa ɪ tənaya wɪla təpai. Atakaa inɪ ɪ taa ka wε wɪla
nyənaya na ka taa na mana, na Aləɣ kpatóɣv ηku ku
təwa hɛtv tə na pɛε kpaatanəa mpa pa tə pa ηmaa
nəɣə pɛlvɣv təm tə.

⁵ Atakaa inɪ ɪ tɔɔ ka we teeli nyɔ́ma napəli mpa pa húláyí sɪ lɔɔ we tɔna tɔ, na pa kenj lɔpa timpi pa lakaya kɔtaya ke yɔ́laa isayatu husuyu tɔɔ tɔ. Pə taya sɪ cənɛye tu yasɪ-mɛye pə kantəlasɪ tɔna təcəiɛi.

⁶ Ḿpúyú pə tɔna pu weɛ, paa mpiyi pə lonte taa, na kɔtəlaa ná suukaya tam ké pə tɔɔ pə tɔɔ cokəle taa na pá laki pa tɔmlɛ.

⁷ Ama hatuu pə taa nyəntɛ taa dɛ kɔtulɔ sɔsɔ tike suukayana tɔna, na pənaya taa tɔm kulɔm təkɔŋ ké ɪ suukaya. Caləm ke ɪ pukayana tənaya fɛɛnyu ke lɔɔ ké ɪ mayamaya ɪ kɔpəntəŋ na kɔpəntəŋ wei dɛ samaa ná pənta kɔpəntu tɔ ɪ tɔɔ tɔtɔ.

⁸ Feesuyu Naniɲtu húláyí tɔna sɪ pə tɔɔ pə tɔɔ cokəle waatu tɔna taa, mpaav fɛi sɪ yulɔ í tala timpi pa yaa sɪ katɛ taa katɛ taa tɔ.

⁹ Mpu inɪ pə húláyí isəna tɔ we kayana isəntɔ tɔ. Pə nyuyɔ nte sɪ isu pa kpakuyɔ kuhaham na pa kpakuyɔ wontu na pá laki lɔɔ ké kɔtasɪ tɔ, mpu inɪ pu pəsəyi na pə tayanɪ teu təkpataa ké wei ɪ laki mpu tɔ ɪ lotu taa.

¹⁰ Kɔtəyɔ na kɔnyɔnyɔm na nyuyɔ tɔɔ asilima keeluyɔ tɔm tike ke pə paasənaa. Pə ké yulɔ tɔnyuyɔ nyəm mpi pa siwa sɪ pa tɔŋyɔ, haləna kuyanɲku lɔɔ ká tayanɪ pə tənaya kɔfam tɔ.

¹¹ Ama Kilisiti ná lapa kɔpantɔnaa mpa pa tɛma kɔntɛ tɔ pa kɔtulɔ sɔsɔ. Na cokəle nte tɔ taa ɪ laki tɔmlɛ tɔ tɔ kəlaa, na tɔ tewa təkpataa. Pə taya yɔ́laa sikina-ke, na tɔ ta tu keɔ antulinya wei pa lapa kulapɔ ke isəntɔ tɔ ɪ nyəntɛ.

¹² Kilisiti suɔɔ tɔm kulɔm ke ɪ kpakpaa suɔɔ ke katɛ taa katɛ taa tɔ pə taya aɔɔnaa na nawee caləm ke ɪ lapəna kɔtaya. Ama ɪ mayamaya ɪ caləm ké, dɛna pə kɔna-tuyɔ tá nyɔɔŋ yapu ke tam tɔɔ.

13 Ye acəwnaa na latəcənaa pə caləm na naan əlv nyəŋ wei pa nyaxasa ı təna na pə ηmusəyi ı təluma ke yəlaa asilima nyəma təw tə ta kpisi pa asilima ke kpiisuyu,

14 kacəŋfana Kilisiti caləm na? Feesuyu tam nyəŋku ton taa ké ı lapəna ı təyi Isə ké kətaya ηka ka tewa təkpataa tə. ı caləm ká ləsi ta lotu taa ké kraı təmanaa ləmayasεε na tə pəsi na tə la Isə weesuyu tı təmlε.

15 Pə təw ké Kilisiti ke wei ı teləsəyi nəγw pəelvyu kvfam ke leləa tə sı mpa Isə yaawa tə pə hiki kvpantu tam nyəntu nti Isə ka təma sı ı ká ha na pə wεε isu pa kpancoou tə. Pa pəsəyi na pə hiki-tı. Pə taya pulv təw, səm lapa pə taa, na səm mpi pə yekina na mpa paa wε nəγw pəelvyu kvpəm taa na pə pəntəyi tə, pə lu kvpəntəŋ inı ı taa.

16 Ye yulv cayaa na í tayanı isəna ı caa pə lana ı wənav ke ı səm waalı tə na pə tı takəlaya taa na pə sı, isu ı səpa na pəcó.

17 Ye ı wəna ı isε, takəlaya isu mpv kaa la təmlε. Ama ye ı kəma na í sı ke paa lana-keye təmlε.

18 Pə təw ké pa tula kancaalaya nəγw pəelvyu təw na caləm.

19 Kancaalaya ıle Moisi kraya Isə kvəsəsutu taa heeliyi mpi pə təna təγw na í keesi samaa təna. ılena í kraya hisəpu kvátúγú na heen hontu kvεεmtu na í lii nawee caləm na ləm pə taa, na í kvpəntəna Isə Təm takəlaya na yəlaa pa təw na í ηmusı.

20 Na í tə sı: Pəne inı pə kəna caləm mpi pə lakı na nəγw ηka Isə pəelaa na í tə sı í təkı təkəŋkəŋ tə ká la tampana.

21 ılena Moisi tasa caləm ke krayav na í ηmusı cokəle təw na Isə sεεv wontu təna təw.

22 Na isu pa keesa kusəsutu taa tō, caləm mpi, pə we isu pə tənaya pə tayanaa, na ye caləm i ta ti, pa kaa husi nəyɔlv i isayatu ke paa pəcɔ.

Kilisiti kətaya husvɔv ke isayatu

23 Na isu pa tayana mpi pə we isəttaa tō pə nəyəsəle ke mpv tō, pə wee si pá la isəttaa nyəm mayamaya ke kətasi kɔpaŋsi nsi si kəla mɔpúyú teu tō.

24 Pə taya pulv tō, kate tete nte tō taa Kilisiti suwa tō tō ta ke nte yəlaa lapa na tō nəyəsəna isəttaa nyənte ke kənəyəsɔ tō. Ama isəttaa mayamaya ke i kpawa si i puki í səŋ Iso isentaa na í wiiki ta konyəŋ.

25 Paa pənaya ŋka Yuta nyéma kətulv səsə pukina wontu caləm ke kate tete ké. Ama Kilisiti ílé i ta suv si i laki i təyi kətaya na í leləyi.

26 Ye pu we mpv i ka təyɔ konyəŋ ke təm payale ke hatuu antulinya lapv waatu. Ama i kəma kayanaya təm kuləm ke i kpakpaa kənte ke tənaya kuyeeŋ ine i taa si í la i təyi kətaya na í kú isayatu tənəŋŋ.

27 Pə tema suw si paa yulv wei i ká si təm kuləm ké, na pəle pə waalı ilena Iso huɔna-i təm.

28 Mpv inɔ tətəyɔ pa lapa Kilisiti ke kətaya ke təm kuləm si pá ləsi yəlaa samaa isayatu. I ká tasa mələyɔ, ilé pə taya isayatu təm tō ké i ká kəw pəle. Ama mpa pa taŋa-i tō pa nyɔəŋ yapv ké.

10

1 Kusəsutu nti paa tɔwa Yuta nyéma tō tō ta hulɔ kɔpantɔnaa mpa paa kəw cele tō pa mayamaya ke teitei. Ama pə nəyəsəle ke pə hulaa. Pə tōw ké kusəsutu nti tō ta pəsi na tó lá na mpa pa kpətəyəna Iso tō pá te təkpataa, na kətasi kulomasɔ nsi pa laki paa pənaya ŋkaya tam tō.

² Ye pu kpiisa mpa pa seekaya Iso ké mpv pə taka tə pa isayatu təkpaataa ke təm kulvm təə, pele pa taa tasəyi pa isayatu təm təəsvy, pəcə pa taa nəki kətasi nasələyi lapv tətə.

³ Mpi təxəle si pa lakvyv kətasi nsəyi paa pənaya ŋka tə pə təəsvyi yəlaa ke pa isayatu təə ké.

⁴ Pə taya pulv təə, latəcənaa na acəənaa pa caləm kaa pəsi na pə ləsi isayatu ke paa pəcə.

⁵ Pə təə ké waatu wei Kilisiti kəŋaya antulinya taa tə i təma Iso si:

Nn caa kətasi pəyele nn caa kvhaham.

Ama n ŋma-m tənvyv.

⁶ Kətasi nsi kəkə lusa si təna tə si ta ke-ŋ pulv.

Na isayatu husvyv kətasi we-ŋ yem tətə.

⁷ Tənaya ma təma si:

Hai Iso, mayalə.

Ma kəŋ si má la nyá luyv nyəntv isv pa keesa

ma təm ke Iso kvsəsutv takəlaya taa tə.

⁸ I caala yəxətvyv ke si: Nn caa kətasi na kvhaham na kətasi nsi kəkə nyaya si təna tə na isayatu husvyv kətasi. Pə tənaya mpv pə ta ke-ŋ pulv. Pəyele pə we kvsəsutv taa si pá la kətasi nsəyi mpv.

⁹ I tēma mpygy yəxətvyv təxə i təma si: Hai Iso, mayalə.

Ma kəŋ si má la nyá luyv nyəntv. Mpygy pə lapa na Iso kú kətasi nsi pa lakaya tə, lena Kilisiti kətasi lapv náá mv kvpəm lonte.

¹⁰ Yesu Kilisiti lapa Iso luyv nyəntv na í lá i təyi kətaya na pə kpiisi ta isayatu ke tam təə.

¹¹ Paa kətvlv wei i səŋvyv isə na í laki kətasi ke paa ifemle nte tə, kulvmasi nsəyi i laki tam. Pəyele si kaa pəsi na si husi isayatu ke paa pəcə.

12 Ama Kilisiti ilé i lapa isayatu husuyu kətaya ke təm kolum təkəŋ, na kətaya ŋke ka lakɪ təmle ke tam. Kilisiti tema mpv ilena í kpa na í caya Iso kəŋkəŋ taa.

13 Kayana tənaya i wee na í caya na í taŋaa si Iso í kəna i kolontunaa na í loosi nəhəe ke pa tə.

14 Təm kolum təkəŋ ké i ha i ti si pa təna mpa pa isayatu kpiisaa tə pá té təkpataa.

15 Na Feesuyu Nanhtv hvləxi-tuyv pə tampana. Pə tə ké i caala yəxtuyv si:

16 Nn, Taca yəxta mpv si,
nəy əka kuyeyi inu i waali maa yele na
má na-we tə pəeli təyale si,

maa kraya ma kusəsutv na má tv pa lotunaa taa.

Maa ŋmaa-təxi pa ləmayasəe taa.

17 Ilena í tasa si: Ma kaa tasa təəuyv ke pa isayatu na pa kəpəntəŋ tə ké paa pəcə.

18 Ye pa tema yulv isayatu ke husuyv u nəkəxi na í tasa kətaya ke lapv si pə husi i isayatu tətə.

Iso kpatənav

19 Təv, ma taapalaa, isu Yesu weesuyu liw tə pə tə tə pəsəxi na tə svv katə taa katə taa təkaa.

20 Pənentə i tvla-tuyv weesuyu mpaav kufaluyv, kv luna puyv kukakayav na waali. Puyv ŋku kv kəna isu i tənuyv mayamaya.

21 Tə wəna kətulv səsə wei pa siwa si í nyənəxi Iso təyaya tə tə.

22 Ye mpv ilé tə kpatəna Iso na lotu kolumtv na naani kəpampan na tənəŋ wei pa səwa ləm kəpam tə. Tə taa nu isayatiya taŋ ke ta lotu taa.

23 Tə təkɪ tá tseluyv ŋku kv təm tə hvləxi isəntə təyə teu. Pə taya pulv tə, tə pəsəxi na tə cayana naani si mpi mpi Iso ka təma si i ká la-tv tə i ká la-wi.

24 Tə nyənəyi ta təma təə na tətə lá na tə səəsi təmayə səəlyu na tətə kusı ta konyuləh ke kupaŋtu lapu təə.

25 Tətə taa yeŋe timpi pə ké si tá təna tətə koti təyə pote isu ləlaa ná kisuyu pote tə. Ama tətə ten təmayə tam na pə tu kələna waatu inə wei ı taa tə loosiyi Tacaa kuyaku na kú kəh tə.

26 Pə taya pulu, ye tətə təhna isayatu lapu təfaa pəyele tətə təma tampana nyəm, pə ta kaasi isayatu hūsuyu kətaya nakəli tətə.

27 Ama tətə cayana tapahoi si Isə huule ná taŋa-tuyu cele.

28 Pa siwa si ye nəyəl pənta Moisi kusəsutu na yəlaa naale yaa tooso na-ı na pa isəpee na pá tisi si yeə mpyú, pá ku-ı, pá taa nyəni ı pətətəle.

29 Təu ye pə we mpu de isənaya paa lana wei ı fəla Isə pəyaya ke ı nəəhəe tēe na í nyəni nəyə pəeləyü caləm mpi pə tayana-ı təyə yem na í ku Feesuyu Nanətu nyuyü tə? İ nyi teu si ı saləka kaa wee keesuyu.

30 Tə nyəmá wei ı yəyətəa si: Maa ləetəna paa wei ké ı isayatu na maa fələna paa wei ké mpi ı lapa tə. Na kuləm inı ı tasəna yəyətəyü si: Tacaa ká huuna ı yəlaa ke təm.

31 Si í tuti nyá təyi Isə weesuyu tu niŋ taa tə pə we səyəntu ke səəm yoo.

32 İ təsə isəna pə təma-məye lapu ke waatu wei Isə lapa na mə isəntə ce tə. Pu sūsuyu-məye konyəntəyələ səəələ taa ké kpaakraa na í səh təca ke wahala inı ı taa tə.

33 Kuləmaa məye pa təhna tūu na pá lakı mpi pə fəi teu təyə samaa taa. Pəyele kuləmaa mə mə səəlu ná puna si í te mpa pa təhna wahala tuyü isu mə tə.

34 İ tá cəli mə ti na saləkətənaa konyəh təyü. Waatu wei pa ləkaya mə wənav tə í tá kee nyuyü

mayamaya. Pə taya pulv təə, í ka nyəmə teu si í wəna wənav mpi pə kəla rúpúyú teu na pə taəŋəyi tam tə.

35 Ye mpv ɪlɛ mə naani í taa si. Mpi tə ɪ təə ké pa su-meyɛ kasəyaya səsəya.

36 Ye ɪ feina suulu í kaa pəsi na í la Iso luyv nyəntv na ílé ɪ ha-meyɛ mpi ɪ ka təma si ɪ ká ha-mɛ tə.

37 Pə mayamaya kɛ pa ŋmaa Iso Təm taa si:

Pə kaasa pəcə mayamaya ké si
wei ɪ kaya ɪ kəə tə í kəə.

ɪ kaa taəŋɪ se.

38 Na wei ma yaa ma yulvpaŋ tə ɪ ká tɛ-m na ɪ taa ké ɪlena í tulɪ-tɪ.

Ama ye ɪ tula tapəŋ ma kaa lapɪ-ɪ luyv tətə.

39 Tá ta ké mpa pa tuliyi tapəŋ na pá leki yem tə. Ama tə ké mpa pa tɛma Iso na pa taa na pu ya pa nyəəŋ təyə.

11

Taa tɛmnav kɛ Iso laki mpi tə

1 Timpi pa təŋ si yulv tɛma ɪ taa na Iso təyɔlɛ waatv wei ɪ taŋa pulv na sika fɛɪ tə, na í tuyi pulvpu naani pəyɛlɛ pələ pu naa tə.

2 Iso taa tɛmnav mpi pə təə ké Iso sama ləŋtaa nyəma.

3 Iso taa tɛmnav mpi pə yelina na tɛ cəkəna si Iso yəyətə kyəyətə na ɪsətəa na atɛ pə lá, haləna mpi pu naa tə pə luna mpi pə naa tə pə taa.

4 Iso taa tɛmnav mpi pə təə ké Apɛɛli lapa Iso ké kətaya ŋka ka kəla Kayini nyəŋka kɛ teu tə. ɪ tɛmna Iso na ɪ taa təyə Iso ná yaa-ɪ yulvpaŋ, pə taya pulv təə Iso sama ɪ kəhav. Apɛɛli tɛmna Iso na ɪ taa təyə paa na ɪ səpv tə ɪ təŋna yəyətaya.

⁵ Iso taa temnav mpi pə təw kə pə ta yeles si Henəki í si kusəpu. Ama pə kraaya-i na í íse na pə kraasi-i Iso cəwə, na nəyəw ta tasa-i keesuyu, Iso kraasa-i í cəwə təw pə təw. Pa ηmaa Iso Təm taa si: Henəki te Iso təyə Iso kraasa-i.

⁶ Na rúpúyú pə wεε, ye pə taya Iso taa temnav təw yulw kaa te Iso. Mpi təw, ye yulw caa í kpatəna Iso, puntu ká te í taa kə təkpataa si Iso wεε na í feləyi mpa pa pεekəyi-i təw.

⁷ Iso taa temnav mpi pə təw kə Nowee nu Iso kraaluyw ke waatu wei í heelaya-i si pulw ká kəw təw. Paa na í ta nata-wi na í isəpəle təw í nu Iso nəyəw taa təm, ílena í saaki atakaa pəyəwuyw səsəwəw na pə yá í na í təyaya nyéma pa nyəwə. Múpúyú pə lapa na í ku antulinya təm na Iso náá yaa-i yulwpaŋ ke í tem í taa na Iso təw pə təw.

⁸ Iso taa temnav mpi pə təw kə Apəlaham lapa mpi Iso yaa-i na í heeli-i si í la təw. Í kulaa na í tεε tetu nti Iso caa si tə la í na í piya pa nyəntu təkpataa təw. Í yela í tetu na í tεε, í ta tu nyəm timpí mayamaya í puki təw.

⁹ Iso kə í temna í taa na pə lá í caya tetu nti Iso ka təma si í ká cele-i təw tə taa, na n nawa n təw si í ka kə mɔwɔw. Múpúyú í sɔw coka tεε, na Isaaka na Yakəpəwε. Iso ka heela pεle pa mayamaya si í ká la-wεyε mpw.

¹⁰ Pə taya pulw təw, Apəlaham caakaya ícate nte tə kutuluyw kila kii teu təyə, nte Iso mayamaya puwa na í ηma təw.

¹¹ Iso taa temnav təw kə pə yelaa na Apəlaham pəsi na í hiki pəyaya na í tema kpatəwuyw, na Saala ná taa fεi ləwuyw təm taa tətə. Í tu naani kə teu təkpataa si nti Iso yəyətəw si í ká lapí-i təw tə kaa saali.

12 Mpróyú pə lapa na yulu kulum wei i tema rmpóyú səpu tə í luli na pə luli təyomyom isu isətuləŋasí ke isətonyvu taa, na isu tenku nəyə kanyəŋa pee.

13 Pəne iní pa təna pa tema Isə na pa taa, haləna pá polo pá sí, pa ta hiki mpi Isə ka təma sí i ká ha-we tə. Ama pa loosa-wəyi kuloosu ke hatuu pooluŋ ké, na pá mvyuli na pá tə sí mpe pa ké mvolaa na pa cəsa kuvəəsvu ke atə cəneye.

14 Mpa pa yəyətəyi mpv tə pa hóləyí təkpataa ké sí pa pəkəyi pa mayamaya pa tetv.

15 Ye pa ləsasí ka we timpí pa luwa tə, pa taa lan mpaav na pá məli.

16 Ama tampana təə pa pəkaya tetv nti tə kəla teu təyə. Ntəyələ isətəa nyəntv. Pə təə ké pə fei Isə ké feele sí pá yaa-i pa Isə, i tema-weyə icatə kvpante tayənyvu tə se.

17 Isə taa temnav yelina Apələham kpa i pəyaya Isaaka sí i kvyi-ke na í lá Isə ké kətaya ke waatu wei Isə ná tee i waali ké kvtee sí i naa tə. Isə ka tema Apələham ke nəəsi suv, paa na mpv i kraya i pəyaya ŋka ka tike i ka lula mpv tə sí i kvyi.

18 Isə ka heela-i sí Isaaka kin ke i ká hikina piya.

19 Apələham ka mayasa i taa sí Isə pəsəyi na í tayanı Isaaka ke feesuyu. Na pə we isu mpvuyə pə tu lapa. I səpaya na pə feesi-i na pə tayanı-i Apələham ke celvyv.

20 Isə taa temnav mpi pə təə ké Isaaka koolaa sí Isə í la kvpantv ke Yakəpv na Isav ke cele.

21 Saa wei Yakəpv wusa səm tə Isə taa temnav mpi pə yelina na í kooli Yosəefv piya təna təə ké kvpantv na í sē Isə na í nyəka i kprátuyú təə.

22 Iso taa temnav mpi pə təw kə waatu wei Yosεεfu caakaya səm tə ı yəγəta İseyeli nyəma Icipiti taa luw təm, na í keesi-weye isəna paa lana ı mowa tə.

23 Iso taa temnav mpi pə təw kə Moisi caa na ı too pa ηmesa-ı isətnaa tooso kə ı ləlvəy waali. Pa nawa sı ı tewa ile pa ta nyana nti wulav ka təma sı pá taa la tə tə lapv.

24 Waatu wei Moisi lapa səsə tə ı tēma Iso na ı taa təγə ı kisa sı pá taa yaa-ı Icipiti wulav səsə pēelə pəyaya.

25 Pə kəla-ı leleη sı pá tı í na Iso yəlaa ke kənyəη na mpi ı ká yəələna isayatu ke weε naale tike tə.

26 I nawa sı ye yəlaa í kisa-ı isı pa kisuyu Mesii tə pə kəla-ı teu ke Icipiti apititu təna. Pə taya pulv təw, cele kufeləyv ke ı pəkəyi.

27 Moisi tēma Iso na ı taa təγə waatu wei í lu Icipiti na wulav pááná huu ı təw tə pə ta tə ı lanje. I səηa teu təca, mpi tə ı naakaya Iso wei ı fei pá na-ı tə.

28 Iso taa temnav təw kə ı sı Tεεv acima təγəv, na í tə sı pá taa caləm ke nanη nənəv sı na səm isətaa tillu í taa kv İseyeli nyəma kancaalaya kuləlaa.

29 Iso taa temnav mpi pə təw kə İseyeli nyəma tesa səsəncaası tenku ke puyulaya isı kacaηa təw. Icipiti nyəma ná keena-we ilena lom təγə pēle.

30 Iso taa temnav mpi pə yelina Yeliko koləηa tima təmvyvməyv kə waatu wei İseyeli nyəma təma na pá cəəna-keye kuyeyη naatosompəγəlaya tə.

31 Iso taa temnav mpi pə təw kə pa ta kpentəna mpa pa kisa Iso nyəntv tə na apalaa təna alv Laharı na pá kv. Mpi tə alv ıni ı təkə ıcate feηlaa ke teu ke waatu wei pa tala ı te tə.

³² Ntiyi maa tasa yəḡətaya ile yee? Tapacayale fei-m si má yəḡəti Ketiyəḡ, na Palaki, na Samsəḡ, na Yefete, na Tafiiti, na Samiyeele, na Iso kyəḡətutu teləsəlaa pa təm.

³³ Pa tema Iso na pa taa təḡə pa təḡa lelāa tetu, na pə təə ké pa təḡa tampana, ilena Iso ha-weyə mpi i ka tōma si i ká ha-we tə. Pa tema Iso na pa taa təə ké pa təkə təḡolasi nəəsi,

³⁴ na pá teesi kəkəsi nsi si muyi kemkem tə. Pa tema Iso na pa taa təḡə pa lu layate nəḡə taa. Mpu pə yelina na paa keu acamaa tə pá pəsi tampana nyəma. Pa tema Iso na pa taa təḡə pa lapa akanaa ke yoon taa na pá kəli pa kolontunaa yoolaa loosi.

³⁵ Iso taa temnav təə ké pa feesa alaa ke pa sətāa na pá cəla-we.

Lelāa ná nawa kanḡansi na haləna pá caḡ na pá si, pa ta kisi wahala inu i təḡəv. Pə taya pulv təə, pa caakaya ké si pá feesi-we na pá hiki weesuyu kypampanḡv.

³⁶ Pa foota lelāa na pá ma-weyə akpatēē, pa hōka lelāa ke alukpala na pá tv-weyə saləka.

³⁷ Pa yaya lelāa ke pēē na pá si, na pá naasi lelāa, na pá tala lelāa ke tilima naale naale na pa ise. Pa laa lelāa ke kulāa na seesi. Heeḡ na pəḡ pə alema ke pa təḡəlaya na pá yeləḡi. Anu pa huluma təkəḡkəḡ pəyele pa təḡna-weyə wahala tḡv na pá laki-weyə nyəḡ.

³⁸ Yəlaa pane pa tee antulinya taa cəne caḡav. Pa cəəkaya yem ké wulaya tetu taa na pəḡḡ taa. Pa təsulēnaa nté kəkraməḡ tee na tulukusi taa.

³⁹ Pane inu pa təna pa tema pa taa na Iso təḡə Iso sama-we. Paa na mpu pa ta hiki mpi Iso ka tōma si i ká ha-we tə.

40 Pə taya pulv təə, Iso ka huwə sɪ ɪ ká la taya mpi pə kəla teu tə ɪle ɪ ta tisi sɪ pá te təkpataa na taa fɛi.

12

Iso kele Tacaa

1 Təv, isu yəlaa samaa tuutuuma inɛ ɪ tama-tuyv kotaya na ɪ tema mɪpɔyɔ lapv na tə nyəmə təkəlekele tə, ta tətə tɛ həyəsɪ na tɛ pɛtɪ pə tənə mpi pu kayatɪ-tv sɪ tɛ taa polo ləŋləŋ tə, na tɛ lə ɪsəyatv nti tə matəna-tuyv tam tə. Ilena tɛ kpaya casələ ke teu ke mpi pə wɛ tá nəyɔ təə tə pə waali.

2 Tɛ kpaya tá ɪsɛ na tɛ pá Yesu təə, inɪ ɪ kɛna ta Iso sɛɛv nyuvv na pə tapuvv. I ta nyənɪ tesika təə səm fɛɛɛ, ɪ tisa sɪ pá kamɪ-ɪ tesika təə na í sɪ. Pə taya pulv təə kɛ ɪ tisa mpv, laŋhulɔmlɛ nte tə taŋa-ɪ cele təyɔ ɪ nyənaya. Na kayana í caya Iso kumte kəŋkəŋ taa.

3 Mɛ mu caya na í mayasɪ mə taa na í na ɪsəna asayaa yoonə-ɪ na í tá kpɛɛsɪ tə. I nyənna tənə, pəcə í taa kəə na í kpisi na í lə təəŋ.

4 Pə taya pulv təə, tuu mə na asayaa í ləkɪ tə í ta luta na halɪ í caŋ í sɪ mə təlɔtɛ taa.

5 I səwə apalɔtv səɔsuyv təm nti Iso heeliyi-mɛ isu yulv sɛyɛsuyv ɪ piya tə yɛɛ? I təma sɪ: Ma pəyalv, paasəna teu ke waatv wei Tacaa həŋ nyá ŋkpaŋuyv tə. Na ye ɪ kaləyənə-ŋ taa lə nyá apalɔtv.

6 Pə taya pulv təə, wei Tacaa səɔlaa tə pɔntv ŋkpaŋuyv ke ɪ həŋ. Na wei ɪ nyənəyɪ ɪ pəyaya tə pɔntv ke ɪ kətəyɪ.

7 I təyɔ mə kɔnyəməŋ na suulu na í nyənɪ-ɪ isu cɛcɛ həŋuyv ɪ pəyaya ŋkpaŋuyv tə. Kɔnyəməŋ wei í təkuyv

mpv tə ɪnɪ ɪ hʉləɣəna sɪ ɪsə nyənəɣɪ-mɛɣɛ ɪ piya. Pəɣaya ŋka ka ŋkraŋɣu ke ka caa u hən?

⁸ Ye u hən mə ŋkraŋɪ ɪsu ɪ lakɪ ɪ piya tənə tə pə hʉlɔ́ɣɪ ké sɪ í tá ké ɪ piya maɣamaɣa. Ama í ké apalaa naale piya ké.

⁹ Tə nyənna ta caanaa maɣamaɣa ke atɛ cənɛ. Pa hən tá ŋkraŋɪ na tə seeki-wɛ. Ye tá caanaa hən tá ŋkraŋɪ na tə seeki-wɛ, pə wɛɛ sɪ tu nuna tá ɪsɔtaa Caa na pə kəlɪ mpv na tə hiki weesiŋ.

¹⁰ Ta caanaa maɣamaɣa ná hən tá ŋkraŋɪ ke wɛɛ naale ke ɪsəna pə maɣa-wɛ tə. Ama sɪ pə waasi-tv tə ké ɪsə ná hən tá ŋkraŋɪ sɪ tə kpaɣa ɪ tənəŋɪ wɛɛtv.

¹¹ Waatu wei pa hən tá ŋkraŋɪ tə pə caɣa-tvɣu ɪsu pa tvɣɪ-tvɣu wahala, pə fɛɪ laŋhʉlɔmɪ se. Ama pə kən na pə leeli ɪlena mpa pa ŋkraŋɪ pa hɔma mpv na pə seɣɛsɪ-wɛ tə, pá na kʉpantv ke pə taa. Pʉntʉnaa tɔntɛ teeki na pə kənə-wɛɣɛ hɛɛsvɣu.

Kvseɣesətv na kvkpaalətv

¹² ɪ la na mə niŋ kvəsəpəŋ na mə nəɔhɛɛ acamaa pə nyəə tɔŋ.

¹³ Na í tənəɣɪ rɪpɔ́ɣú tam ké mpaŋ kvsiɣisiŋ, pə taa kəə na sekəllv nəɣəlv í cələsi mpaav, ama í hiki toma.

¹⁴ ɪ la kookalɪ na mə na yələa tənə í wɛɛna təma na lelen na mə tɔntɛ kɛɛsɪ teu. Pə taɣa pʉlv, ye yʉlv tɔntɛ ta kɛɛsɪ teu pʉntv kaa keesi Taca.

¹⁵ ɪ la laakalɪ na nəɣəlv í taa kəə na í taɣanɪ ɪsə pɛɛɛ ke laŋɣv. ɪ la laakalɪ tətə na pə taa kəə na mə taa nəɣəlv pəsi ɪsu tvɣv ɪsaɣav nyəəkvɣv na kv nyan wakələɣɪ yələa tə.

16 ǀ la laakali tətə na mə taa nəγəlv í taa la asilima yaa lso nyəm pəsi ı ısentaa ké yem, ısu pə lapv lsaɔ na í kpaɣa ı səsəəntv lonte na í pɛɛti təγəniya təə tə.

17 Mə mayamaya í nawa ı səna pə kəma waali waali na í nyuli sɪ ı caa í kooli-ı kupaɔtv, ılena pá lə-ı tə. Pə taya pulv təə, pə fɛi pəsuyv sɪ í məli waali na í tayaɔv mɪpi ı ka tɛma wakəlvv tə, ılena í wii yem.

18 Mɛ í tá kɾətəna puyv ŋku yulv pəsəyi na í tokina tə ısu lseyeli nyəma, ŋku kv təə kəkə tɔŋ nyəŋka məkaya tə, na ı səŋmɔtv na səkpɛtvv na heelimuyv pə nyalaa tə,

19 na pá nu akantəle wula na pə yəγətəyi tə. Saa wei lseyeli nyəma nu pə yəγətaya mpv tə, pa təma sɪ pə yelev mpv, pə taa tasa-weyɛ yəγətənaɔv kɛ paa pəcə mayamaya.

20 Pə taya pulv təə, təm nti paa heela-wɛ sɪ ye yulv yaa kɾəntɛ mayamaya tokina puyv ŋkv, paa yaya-tɛyɛ pɛɛ na pá kv tə, tə kəla-weyɛ tɔŋ.

21 Pə nyəɔv lapa səγəntv haləna Moisi mayamaya tó sɪ səγəntv kəla ıɔv na í seliyi.

22 Ama mɛ mə kɾətəna Siyɔŋ puyv, na lso weesuyv tv ıcatɛ ı sətaa Yosalem na tə ı sətaa tillaa tuutuuma.

23 ǀ kɾətəna lso kancalaya kvləlaa mpa pa həla pa ŋmaa ı sətaa na pá kotina lanhvlvmlɛ tə. ǀ kɾətəna lso wei ı ká hvvna yəlaa tənaya təm tə, na í kɾətəna ı yəlaa kupaɔv mpa pa lapa na pá te təkpaɔaa tə pa ləsasi.

24 ǀ kɾətəna Yesu wei ı kə nəγə pɛɛlvv kofam tɛləsvv tə. ǀ kɾətəna ı caləm kŋmɔsəm mɪpi pə yəγətaya kəla Apɛli nyəm nyəŋka təcayacaya tə.

25 ǀ la laakali, í taa kisi wei ı yəγətəyənə-mɛ tə ı təm kɛ nuv. Mpa pa kisa wei ı kpaalaya lso Təm kɛ atɛ cənɛ tə ı təm nuv tə pa ta kpisi pɛɛ pa ŋkpaŋv kɛ

həm, kacənfana ta mpa tu ha lumaya ke wei ı we hatuu isətaa na í yəğətəna-tu tə?

²⁶ ı yəğətəa na ı yəğətəya ciyiti tetu təna. Ama ı tasa-tuyv heeluyv sı ı ká tasa ateyə ciyituyv, haləna í krentəna isətaa.

²⁷ Timpi pa təη mpv sı paa tasa tə pə weε kele sı mpi mpi pə lapa na pu ciyiti-wı tə pu saalı yem iləna mpi pu caya tam tə pəle pə ləeti.

²⁸ Tu hiki kawulaya ηka kaa caya tam tə ilə tó la Isə ké təmlə ke isəna mpi pu mayə-ı tə, na tó see-ı na tó nyaηna-ı na tó huli sı ı nyana təmlə seεv nté.

²⁹ Tá Isə ké kəkə ηka ka nyakı pə təna təğə.

13

Isəna tu la na Isə səli-tv tə

¹ ı sələyi təmayə tam isv yulv na ı neu.

² Anı pə weε sı í təkəyi msvlaa mpa pa kəη mə tε təğə teu tə ı nuwa. Ləlaa lapa isətaa tillaa ke msvlle ke pə lapv taa, pa təηna sı yəlaa ke yem.

³ ı təsı saləkətonaa tə isv ye mə na-we í ka wenna saləka inı ı taa í ka lapa tə. Na í təsı mpa pa lakı nyaη tə pa təm isv mə mayamaya ke pa lakı mpv.

⁴ Paa wei í nyəni əlv kpağav təm isv pulv sə səəm. Na əpəlv na əlv pa taa nəğəlv náá taa la yem yem tətə. Isə ká hvəna təm ke mpa pa lakı əsilima na mpa pa lakı wasəηkalətv tə.

⁵ ı taa nyənəyi pəğəlayə ke mə kulapətv taa. Ama mə laηa í hεəna mpi ı wəna tə. Pə taya pulv tə, Isə yəğətəa sı: Ma kaa lə-η paa pəcə, maa weε nyá waalı ké tam.

⁶ Pə tə ké tə pəsəyi na tə yəğətəna naani sı: Tacaa kele ma tentu, ma kaa nyana pulv.

Yulv pəsəyi na í la-m we?

⁷ Í təəsi mə kancadaya səsaa mpa pa caala-meyə Iso Təm heeluyv tə pa tə. Í nyəna isəna pa yaasi ka we tə, na isəna pele pa səpa tə, na í keesəna isəna pele pa tema Iso na pa taa tə na í lá mpv.

⁸ Isoana Yesu Kilisiti ka we tə mpyúv í we saŋa, na mpyúv í ká we tam.

⁹ Í taa yele na seyesəŋ kufan iní í təna, í nəçə na í suka, í tolisi-me. Pə taya pulv tə, mpi pə kəla teu təçəle sí Iso pelee í la na tə hikiyi toŋ ke ta hwee taa. Pə taa we kutəçəv cəlvv kin. Mpa pa paasəçəna kutəçəv cəlvv tə paa waaki pə taa ké pulv.

¹⁰ Kətəlaa mpa pa laki təmlə ke Yuta kətasi cokəle taa tə pa feina mpaasi sí pá təçə mpi pa kv tá kətaya tətəte taa tə.

¹¹ Yuta kətulv səsə kpaçəyi wontu ntí tə caləm ké, na í pona cokəle taa na í feeni sí pə husí yəlaa isayətv. Uena pá kpaçə wontu ntí pa kəwa mpv tə tə mayamaya na pá pona təsikile waalı na pá tv kəkə.

¹² Pə tə ké Yesu səpa icate na waalı sí í mayamaya í caləm í tayaní yəlaa samaa.

¹³ Mpv tə tə polo í kin ke təsikile waalı na pá kisi-tv isu pa kisuyv iní tə.

¹⁴ Mpi tə tə feina icate tam nyəntə ke atə cəne. Ama cele nyəntə ke tə pəçəyi.

¹⁵ Tə saŋ Iso ké tam na pá lá teitei isu tə lapa-í kətaya na Yesu toŋ taa. Pə nyuvv nté sí í hətə í yaaki tá nəəsi taa ké tam.

¹⁶ Í taa sə kupantv lapv na təmaya tem ke tam, pə taya pulv tə, kətaya isu mpyúv Iso səlaa.

¹⁷ Í nukəna mə səsaa na í seeki-we. Pə taya pulv tə, pa feníyi mə ləsasi tə ké. Mpi tə pa nyəmá sí cele Iso ká pəəsi-weçə sí təm. Ye í nukəna-we, pa təmlə lapv

kaa la-wεγε felentu. Ama ye u nukəna-wε, pa təmle ká pəsi-wεγε təlası təm, na saa inı pə kaa waası-mεγε pəlv.

¹⁸ I sələməna-tuyv Iso ké mpyúyú tam. Tə nyəmə teu ke tá taa təkpataa sı tə wena lotu kulumtv. Pə tağa pəlv təə, tə caa ké sı paa mpi pə taa tá tənte í mağa.

¹⁹ Nti ma wiikina-me təsiyisiyi təyəle sı í sələmi Iso na í lá luyv na má məli mə kiŋ ke ləŋ.

Iso sələmuyv

²⁰ Iso feesa Tacaa Yesu ke səm taa, inəyəle heeŋ tiikilu səsə ke i səpv tə pə təə. Na i səm mpi pə yelina na nəyə pəeləyv tam nyəm la tampana.

²¹ Həsəyuv Iso í la na mu pəsi na í lá kəpantvnaa na í lá i luyv nyəntv təmmam. Iso inı í yele na Yesu Kilisiti la tá kiŋ ke mpi pə wε-i teu tə. Yesu í hiki teeli ke tam. Ami.

Kantəkaya təm na sətəv

²² Ma taapalaa ma wiikina-me sı í nu apalətv səsəyuv təm tənə na suulu. Pə tağa pəlv təə, təm nti ma ŋmaa-mεγε cənə tə tə ta təə.

²³ Ma heeliyi-me sı pa tula ta taapaləv Timotee. Ye i tala ləŋ ke cənə ma na-i tu kəŋna mə tε.

²⁴ I sεε mə səsaa tənə na Iso yəlaa tənə təpai. Ta taapalaa Italii nyəma sεε-me.

²⁵ Iso í la mə tənaya pəelεε.

PHIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 18 Apr 2025 from source files dated 31 Aug 2023

ef14191a-91f7-51c1-ac89-7b93dd7c4377